



Broj: 07-05-sl./17
Ilijaš, 14.02.2017.godine

STRUČNA SLUŽBA OPĆINSKOG VIJEĆA I
OPĆINSKOG NAČELNIKA

**ODGOVORI NA VIJEĆNIČKA PITANJA I INICIJATIVE
SA 5.SJEDNICE OPĆINSKOG VIJEĆA ILIJAŠ
održane 31.01.2017.godine**

Ilijaš, februar 2017.godine

Ul. 126. ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail info@ilijas.ba

ISO 9001

BUREAU VERITAS
Certification



Broj certifikata:CR14625Q

Pitanje:

4. Pitanje priključenja električne energije na sportski teren koji smo dali Sportskoj akademiji. Kako i na koji način je to izvršeno?

Odgovor:

Obzirom da Služba za društvene djelatnosti Općine Ilijaš nije bila uključena u postupak priključenja električne energije za sportski teren koji koristi Udruženje "Sportska akademija" Ilijaš, pitanje je upućeno Udruženju "Sportska akademija" Ilijaš.

Udruženje "Sportska akademija" Ilijaš je općinskoj službi dostavilo kopiju Molbe za korištenje električne energije broj:01-sl.03/15 od 01.03.2015.godine dostavljene direktoru JU OŠ "Hašim Spahić" i kopiju Ugovora o korištenju resursa škole-električna energija-broj:01-245/15 od 01.04.2015.godine zaključenog između JU OŠ "Hašim Spahić" i Udruženja "Sportska akademija" Ilijaš.

Prilog:

1. Kopija Molbe za korištenje električne energije broj:01-sl.03/15 od 01.03.2015.godine;
2. Kopija Ugovora o korištenju resursa škole-električna energija- broj:01-245/15 od 01.04.2015.godine;

Javna ustanova Osnovna škola "Hašim Spahić", sa sjedištem u Ilijašu, ul. Krajiška bb, koju zastupa Kustura Mirsad, direktor

(u daljem tekstu: Škola)

i

Udruženje „Sportska akademija“ Ilijaš koje zastupa Kahvić Edin- predsjednik Udruženja

(u daljem tekstu: Korisnik)

zaključili su:

UGOVOR O KORIŠTENJU RESURSA ŠKOLE -električna energija-

PREDMET UGOVORA

Član 1.

Ovim Ugovorom uređuju se međusobna prava i obaveze između Škole i Korisnika, a odnose se na ustupanje resursa škole-električne energije Korisniku.

Škola stavlja na raspolaganje Korisniku korištenje električne energije, prema uslovima iz ovog Ugovora, uz poštivanje odredbi Opštih uslova za isporuku električne energije koji obavezuju i školu na osnovu zaključenog Ugovora s distributerom Elektroprivredom BiH.

Član 2.

Saradnja između ugovornih strana bazirana je na čistom dogovoru i mogućnostima obje ugovorne strane, a zasnivat će se na međusobnoj komunikaciji, koordinaciji zajedničkih aktivnosti, te principima partnerstva, konsenzusa, transparentnosti, odgovornosti, obostranog interesa i autonomije obje ugovorne strane.

Član 3.

Korisnik se obavezuje da će ustupljenu električnu energiju koristiti isključivo za osvjjetljenje malonogometnog terena, koji se nalazi u blizini škole.

Član 4.

Škola daje Korisniku na korištenje električnu energiju, bez obaveze plaćanja posebne naknade Školi kao ustupiocu, s tim što je Korisnik obavezan postaviti poseban mjerni uređaj, koji će registrovati potrošnju, u cilju zloupotrebe iste.

PRAVA I OBAVEZE UGOVORNIH STRANA

Član 5.

Škola se obavezuje da obezbijedi Korisniku neometano korištenje električne energije.

Član 6.

Korisnik se obavezuje da prilikom korištenja električne energije postupa s pažnjom dobrog privrednika, da poštuje principe savjesnosti i poštenja, zabrane zloupotrebe prava, rješavanja sporova na miran način, da se uzdrži od postupaka kojim se može prouzrokovati šteta, da racionalno koristi ustupljene resurse.

Član 7.

Korisnik se obavezuje da će malonogometni teren ustupiti, za potrebe realizacije nastave iz predmeta Tjelesni i zdravstveni odgoj, za potrebe priredbi, takmičenja i drugih zahtjeva od strane Škole, besplatno.

VRIJEME TRAJANJA UGOVORA**Član 8.**

Ovaj Ugovor se zaključuje na određeno vrijeme, počev od 01.04.2015. godine a maksimalno može trajati do 30.06.2017. godine.

NAČIN PRESTANKA UGOVORA**Član 9.**

Ovaj Ugovor prestaje:

- istekom vremena na koji je zaključen,
- sporazumom ugovornih strana ili
- otkazom jedne od ugovornih strana.

Svaka ugovorna strana zadržava pravo raskida Ugovora, ukoliko se druga strana ne pridržava odredbi ovog Ugovora te ako učini težu povredu Ugovora ili prekrši pravila dobrih poslovnih običaja.

Otkazni rok je 7 (sedam) dana i teče od dana prijema obavijesti o raskidu Ugovora.

PRIJELAZNE I ZAVRŠNE ODREDBE**Član 10.**

Ovaj Ugovor zaključuje se na osnovu Saglasnosti Školskog odbora broj: 01-780/2014 od 12.08.2014. godine, a ista je donesena na osnovu prethodno dostavljene Molbe Udruženja "Sportska akademija" Ilijaš od 10.08.2014. godine.

Član 11.

Ugovor se smatra zaključenim kada ga potpišu ovlašteni predstavnici ugovornih strana.

Član 12.

Izmjene i dopune ovog Ugovora vršit će se na način i po postupku kako je isti i prethodno sačinjen i zaključen.

Izmjene i dopune ovog Ugovora važe samo ako su potpisane i sačinjene od ovlaštenih predstavnika ugovornih strana.

Član 13.

Eventualni sporovi koji proisteknu iz međusobne saradnje, realizacije ovog ugovora ili različitog tumačenja, ugovorne strane će pokušati riješiti sporazumno. Ukoliko o tome ne uspiju ugovaraju nadležanost Općinskog Suda u Sarajevu.


Član 14.

Ugovor je sačinjen u 2 (dva) istovjetna primjerka, od kojih svakoj ugovornoj strani pripada po jedan primjerak.

Za JU Osnovna škola „Hašim Spahić“ Ilijaš

Direktor

Mirsad Kušur



Za Korisnika:

Edin Kahvić



Broj: 01-245/15

Ilijaš, 01.04.2015. godine



Udruženje „Sportska akademija“ Ilijaš

I.D. 4201516250003

Redovni račun: 1602000024993043

062/216-258

Broj: 01-sl.03 /15

Ilijaš, 01.03. 2015. godine

JU.OŠ.HAŠIM SPAHIĆ

n/r Direktor škole

PREDMET: Molba za korištenje električne energije

Poštovani:

Poštovani udruženje sportska akademija Ilijaš je prošle godine tačnije dana 10.08.2014. godine obratilo se sa molbom za korištenje električne energije za potrebe udruženja te ste nam na istu molbu odgovorili pozitivno i dozvolili nam da koristimo električnu energiju do 31.12.2014. godine. Obzirom da je istekao rok za korištenje električne energije i obzirom da smo ispoštovali uslove koje je školski odbor postavio a tiče se uređenja zemljanih radova oko školskog dvorišta. Također na terenu sa umjetnom travom se odvija nastavni proces nastave iz predmeta TZO JU.OŠ.HAŠIM SPAHIĆ shodno potrebama škole. S tim u vezi Vas molimo da nam dozvolite i dalje korištenje električne energije za osvjetljenje stadiona shodno potrebama udruženja.

Udruženje "Sportska akademija" Ilijaš je sportsko udruženje koje djeluje na području općine Ilijaš, a čija je glavna aktivnost škola fudbala za dječake do 14. godina, a u cilju unapređenja nogometa kao sporta. Polaznici naše Akademije su uglavnom učenici Vaše škole, s obzirom na činjenicu da se i malonogometni teren, na kojem se održavaju treninzi, nalazi u blizini škole. Naši dosadašnji uspjesi su neupitni, a cilj nam je da i dalje razvijamo mrežu naših aktivnosti, kako bi bili što uspješniji. Primarni cilj nam je da sklonimo djecu sa ulice te da svakim danom budemo sve savremeniji, te da postanemo profesionalni nosilac, organizator i realizator programa iz oblasti nogometa kao sporta.

Zauzvrat I dalje nudimo besplatne termine za održavanje časova, priredbi ili manifestacija u terminima kada to vašoj školi odgovara, kao i da damo lični doprinos u realizaciji I afirmaciji istih.

U nadi da ćete razmotriti našu molbu, na istu pozitivno odgovoriti te na taj način direktno dati svoj lični doprinos u afirmaciji društvenih i sportskih vrijednosti sredine u kojoj je klub osnovan, unaprijed Vam se zahvaljujemo!

S poštovanjem,



Predsjednik kluba:
Edin Kahvić

Theresa C. [Signature]